

6. ՀԱՅ ՀԱՍԱՐԱԿԱԿԱՆ-ՔԱՂԱՔԱԿԱՆ ՀՈՍԱՆՔՆԵՐԻ ՈՒ ԲՈՒԹՈՒԱԿԱՆ ԿՈՒՍԱԿՑՈՒԹՅՈՒՆՆԵՐԻ ՁԵՎԱՎՈՐՈՒՄԸ

1. ՀԱՍԱՐԱԿԱԿԱՆ ՀՈՍԱՆՔՆԵՐԻ ՔԱՂԱՔԱԿԱՆ ԴԻՐՔՈՐՈՇՈՒՄԸ

XIX դարի 70—80-ական թվականներին ինչպես Անդրկովկասում, այնպես էլ Արևելյան Հայաստանի տնտեսական կյանքում և սոցիալական հարաբերությունների ասպարեզում զգալի փոփոխություններ տեղի ունեցան: Կապիտալիստական հարաբերությունների զարգացումը, դասակարգային պայքարի սրումը, բանվոր դասակարգի ձևավորումը, գյուղացիության հողազրկումն ու գյուղական բա տրականների հոծ բանակի առաջացումը և արտադնության ծավալումն ստեղծեցին քաղաքական պայքարի նոր պայմաններ: Արևմտահայության ամենուր ուժեղացող ազատագրական պայքարը նոր խրդիրներ դրեց հայ ժողովրդի քաղաքական և հասարակական բոլոր խավերի, նրանց շահերն ու զաղափարներն արտահայտող հասարակական հոսանքների առջև:

Հայ հասարակական-քաղաքական հոսանքները տնտեսական և սոցիալական, քաղաքական ու զաղափարական խնդիրներով բաժանվում էին հիմնականում երեք խմբի՝ պահպանողական, լիբերալ-բուրժուական և ղեմնկրատական:

Արևելահայ իրականության մեջ 1870—80-ական թվականներին ազգային-պահպանողական հոսանքն արտահայտում էր տեղական մանր ու միջին արդյունաբերողների, կալվածատերերի և առևտրական բուրժուազիայի սոցիալական շահերը և խիստ անհանգստացած էր պետական հովանավորություն վայելող ուսական բուրժուազիայի մրցակցությունից: Պահպանողականները, հայկական պետականության բացակայության պայմաններում, օգտվում էին եկեղեցու հեղինակությունից որպես ազդի միասնականության և պետական իրավասություններով օժտված հաստատության: Բուրժուական արտադրական հարաբերությունների այդ հաստատման մեջ նշմարելով ցարական-պետական քաղաքականության հաղթանակը, նրանք խիստ անհանգստանում էին ցարիզմի սաստկացող հալածանքներից նաև հայոց լեզվի, դպրոցների, մշակույթի օջախների նկատմամբ և ի տարբերություն լիբերալների, ավելի ակտիվ պայքար էին մղում ցարիզմի ազգահալած քաղաքականության դեմ:

Ազգային-պահպանողականներն իրենց քաղաքական կողմնորոշման մեջ Արևելյան Հայաստանի միացումը Ռուսաստանին համարելով դրական երե-

1 Տե՛ս Աշոտ Հովհաննիսյան, XIX դարի 50—60-ական թվականների արևելահայ հասարակական-քաղաքական հոսանքները, ՊԲՀ, 1965, № 4, էջ 65—66:

վույթ, Արևմտյան Հայաստանի նկատմամբ ձեռնպահ էին: Զարիզմի սաստկացող հալածանքներից հուսահատված, նրանք արևմտահայերի ազատագրության հույսերը չէին կապում միայն Ռուսաստանի հետ, մասնավոր դեմ էին ապստամբական շարժումներին Արևմտյան Հայաստանում: Նրանք արևմրտահայերին առաջարկում էին ավելի շուտ խնդհապաշտպանություն, քան ապստամբություն, իրենք ևս աջակցություն ցույց տալով խնդհապաշտպանության կազմակերպմանը: Ազգային-պահպանողականները թերահավատ էին եվրոպական պետությունների անշահախնդիր օգնության նկատմամբ, երբեմն միայն թյուրիմացաբար կարծում էին, թե Անգլիայի շահերը որոշ չափով զուգահեյալում են արևմտահայերի ազատագրության գործին:

Արևելահայ իրականության հասարակական առաջընթացի մեջ ազգային-պահպանողականները կողմնակից էին կապիտալիստական հարաբերություններին զարգացմանն Անգլիկոմկասում, սակայն տեղական ուժերի միջոցով: Միաժամանակ, չմոռնելով հասարակական զարգացման օրինաչափությունները, նրանք կարծում էին, որ այդ պրոցեսում կարելի է քայքայումից փրկել մանր ու միջին արտադրողներին և այդ ուղղությամբ ժամանակավրեպ միջոցներ էին առաջարկում: Դրանով իսկ նրանք շահում էին գյուղատիրիչ ուտոպիստական գաղափարներով տարված հայ մտավորականության մի զգալի մասի համակրանքը, որն ակտիվորեն աշխատակցում էր նրանց մամուլին:

Ազգային-պահպանողական հոսանքի, նրա տպագիր օրգանների ու խմբադիր-հրապարակախոսների կարծիքները միշտ չէ, որ համընկնում էին հայ կյանքի մի շարք երևույթների գնահատության հարցում: Պետրոս Սիմոնյանցի «Մեղու Հայաստանի», Սպանդար Սպանդարյանի «Նոր Դար» պարբերականները ավելի պահպանողական էին, քան Արզար Հովհաննիսյանի «Փորձ» կամ «Արձագանք» շաբաթաթերթերը: Այս վերջիններիս կողմնակիցները պահպանողականության ձախ թեմ էին կազմում և միջին դիրք էին զբաղում հայ պահպանողականության ու լիբերալիզմի միջև:

Աշխատավորական զանգվածների սոցիալական պայքարի հարցերում պահպանողականներն ամբողջովին կանգնած էին գոյություն ունեցող կարգերի պաշտպանության դիրքերում: Այսպիսով, ազգային-պահպանողական հոսանքին հարում էին տարբեր հասարակաշրտեր, չափավոր բուրժուական զարգացման կողմնակիցներ և բուրժուական զարգացման հետևներով քայքայում ապրող աշխատավորական զանգվածների ներկայացուցիչներ, մասնավորապես նարոգինիական-դեմոկրատական մտայնության արևելահայ գյուղագիրները:

Տնտեսական ու քաղաքական ճնշումները և ազգային հալածանքներն ուժեղացրին աշխատավորական զանգվածների դժգոհությունն ու սոցիալական հուզումները: Նման պայմաններում տեղական վերնախավերը, դաշինքի մեջ մտնելով ցարական ռեակցիայի հետ, հաճախ դիմակայում էին հայ ժողովրդի քաղաքական պայքարին: Նրանք երբեմն հակադրվում էին ազգային-ազատագրական շարժումներին ևս՝ համարելով դրանք «տղաչական երազներ» և «վտանգավոր մտայնություն»:

Սակայն պետք է նշել, որ որոշ դեպքերում պահպանողականները պաշտպանում էին «ներամուծությունները», եթե դրանք նպաստում էին ազգի միասնությանն ու առաջընթացին: Այստեղ արդեն նրանք որոշ առումով կամուրջ էին նետում դեպի լիբերալիզմը: Հանդես գալով որպես ճնշված ազգի ներկայացուցիչներ, առանձին դեպքերում հակադրվում էին ցարիզմի վարած տնտեսական քաղաքականությունը՝ Կովկասում և անգամ ձայնակցում ռուսական բուրժուազիայի մրցակցությունից քայքայվող և ռուսական ու անդրկովկասյան շուկայից դուրս մղվող հայ բուրժուազիային: Չնայած պահպանողականները առանձին դեպքերում քննադատում էին ցարիզմի քաղաքականությունը, բայց դեմ էին ըմբոստանալու և ապստամբելու բոլոր փորձերին, քանի որ դրանք տիրապետող պայմաններում համարում էին անհույս և վտանգավոր: Այդ հոսանքի որոշ ներկայացուցիչներ ազգի զարգացման կարևոր խթանը տեսնում էին տնտեսական զարգացման և լուսավորություն մեջ: Սակայն նրանք հայ ժողովրդի սոցիալական և ազատագրական պայքարի հարցերում կանգնած էին պահպանողական դիրքերում: Նրանք մերժում էին սոցիալական վերափոխումների հեղափոխական պայքարի ուղին:

Այլ էր վիճակը Արևմտյան Հայաստանում: Թուրքական բռնապետության սոցիալական, ազգային ու կրոնական հալածանքների պայմաններում, այս կամ այն չափով ճնշվում էին հասարակության համարյա բոլոր խավերը, քանի որ քրիստոնյաների կյանքի ու գույքի ապահովության երաշխիք գոյություն չուներ: Սակայն այստեղ էլ հայ ժողովրդի ազատագրման գոյծում տարբեր հասարակական խավեր տարբեր մոտեցում ունեին: Կղերամաքայական թևին հարող մեծատուններն ու պաշտոնյաները, իրենց շահերից ելնելով, ամեն կերպ աշխատում էին համակերպվել տիրող կարգերին և սուլթանի ողորմածությամբ որոշ բարեփոխումների հասնել: Դրանք էլ հենց արտահայտում էին ժամանակի հետադիմական գաղափարախոսությունը և մերժում ժողովրդի ազատագրության հեղափոխական ուղին:

Ի տարբերություն պահպանողական հոսանքի, լիբերալ-բուրժուական հոսանքը իր դասակարգային արմատներով զգալի չափով կապված էր հայ զաղթավայրերի և Անդրկովկասի հայաշատ կենտրոնների հետ: Պետերբուրգը, Մոսկվան, Նոր Նախիջևանը, Աստրախանը, Հյուսիսային Կովկասի քաղաքները, Թիֆլիսն ու Բաքուն ավելի էին կապված լիբերալ շարժման հետ, քան բուն Հայաստանը, որտեղ ավատական կարգերի մնացորդները դեռ զգալիորեն խոչընդոտում էին առաջադիմությունը:

Լիբերալ-բուրժուական հոսանքն արտահայտում էր զարգացող բուրժուազիայի շահերը և քանի որ հայ բուրժուազիան թույլ էր ու երկչուտ, ապա նա իր գոյությունը պաշտպանելու համար հակված էր ափրող կարգերի հլու կամակատար դառնալու: Մյուս կողմից, քանի որ հայ ժողովուրդը սոցիալական և ազգային ճնշումներից ազատագրվելու մեծ ճիգեր էր գործադրում, հայ բուրժուազիան, ձգտելով շահել ժողովրդի համակրանքը, հանդես էր գալիս համազգային ուխտակի տակ՝ «միասնական աղջ» լողունգով:

Սակայն սոցիալական ու քաղաքական պայքարի հարցերում նա կանգնած էր ռեֆորմիստական դիրքերում և հակադրվում էր հեղափոխական դեմոկրատիզմին: Ժողովրդի ազատագրման ամենահանգուցային հարցում լիբերալիզմի և դեմոկրատիզմի անջատումը Վ. Ի. Լենինը համարում էր միան-

գամայն օրինական: Նա նշում է, որ դրա համար պետք է «հասկանալ, թի՛վ ինչպիսի հասարակական ուժեր. ինչպիսի դասակարգեր են կանգնած լիբերալիզմի թիկունքում և ղեմնկրատիայի թիկունքում, ինչպիսի քաղաքական ձգտումներ են ընկած այդ դասակարգերի էության մեջ»³:

Միանգամայն ակնհայտ է, որ հեղափոխության հիմնական հարցերում լիբերալիզմը թեքվում էր դեպի ռեակցիան: Այնուհանդերձ կային նաև լիբերալ-բուրժուական հոսանքին հարող առաջադեմ գործիչներ, որոնք, սակայն, հեռու էին կանգնած ժողովրդի առօրյա, իսկական հոգսերից, նրա քաղաքական պահանջներից և պայքարից:

«Լիբերալ բուրժուազիան ընդհանրապես,— գրում է Վ. Ի. Լենինը,—լիբերալ բուրժուական ինտելիգենցիան մասնավորապես, չի կարող չձգտել ազատության ու օրինականության, որովհետև առանց դրան բուրժուազիայի տիրապետությունը լրիվ չի լինի, լիակատար չի լինի, ապահով չի լինի, Բայց բուրժուազիան մասսաների շարժումից ավելի է վախենում, քան ռեակցիայից: Այստեղից՝ լիբերալիզմի դարձանակի, անհավատալի բոլորքյունը քաղաքականություն մեջ, նրա կատարյալ անզորությունը»⁴:

Ի տարբերություն նախորդ տասնամյակների, հայ հասարակական-քաղաքական հոսանքներն ավելի որոշակիորեն են արտահայտում կյանքում տեղի ունեցած փոփոխությունները, ավելի բյուրեղացած դրսևորում հասարակական հարաբերությունների հեղաբեկումը: Բուրժուական արտադրական հարաբերությունների դարգացումը, ցարական կառավարության ազդային ճնշման քաղաքականության պայմաններում անգամ, իր հետ բերում էր բուրժուական գաղափարախոսության հաղթանակ:

XIX դարի 70—80-ական թվականներին զեռու վերելք ապրող արևելահայ բուրժուազիայի լիբերալ-բուրժուական հոսանքի նշանավոր ներկայացուցիչը Գրիգոր Աթոռունին էր՝ հանձին իր «Մշակ» թերթի ու նրա շուրջը համախմբված մտավորականների: Բուրժուական այդ նույն հոսանքի ձախ թևն էր արտահայտում Ավետիք Արասխանյանցը իր «Մուրճ» ամսագրով:

Արևմտահայ իրականության մեջ լիբերալ ուղղությունը շարունակում էին ղլխավորել Ն. Բուսինյանը, Սերվիլենը, Գ. Օտյանը և նրանց համախոհները, որոնք ժողովրդի բարեկեցության ապահովումը տեսնում էին Ազգային սահմանադրության շնորհիվ ստացած արտոնությունների մեջ:

Հայ ղեմնկրատական հոսանքի գաղափարախոսությունը հատկապես իր արտահայտությունը գտավ 70—90-ական թվականների հայ ղեմնկրատ գրողներ Ռ. Պատկանյանի, Բաֆու. Հ. Պալոնյանի, Ա. Արփիարյանի, Ղ. Աղալանի, Գ. Զիլինկիրյանի, Մ. Մամուրյանի երկերում և հրապարակախոսական աշխատություններում: Դրանց ամենաականավոր ներկայացուցիչն անշուշտ Բաֆֆին էր, Իր վեպերով, հրապարակախոսությանը նա արևմտահայերի ազգային-ազատագրական գաղափարախոսությունը շաղկապում էր արևելահայերի ղեմնկրատական-նարոզնիկական աշխարհայեցողության հետ:

Նախախմբականալիստական էսոթալայում առաջադիմական էր ոչ միայն ղեմնկրատիզմը որպես հասարակական-քաղաքական հոսանք, այլև լիբերալիզմը, իսկ ճնշված ազգերի մոտ, որպիսին էր հայ ժողովուրդը, համադե-

³ Վ. Ի. Լենին, ԵԺԺ, հ. 23, էջ 453:

⁴ Վ. Ի. Լենին, ԵԺԺ, հ. 22, էջ 145:

մոկրատական միտավածություն ունեւր և նացիոնալիզմը, որպէս ազգային գիտակցության գալու ազդակ:

Հայ դեմոկրատական մտավորականության, այդ թվում բազմաթիւ լեզաւ և անլեզալ կազմակերպությունների գլխավոր մտահոգությունը ժողովրդի սոցիալական և ազգային ազատագրության հարցն էր թե՛ Արեւմտյան և թե՛ Արեւելյան Հայաստանում: Բայց քանի որ հայ ժողովուրդը անհամեմատ ավելի ծանր ու անտանելի պայմաններում էր ապրում Թուրքական տիրապետության տակ, ուստի դեմոկրատ մտավորականությունն ավելի էր մտահոգված արևմտահայության ազգային ազատագրության հարցով:

Հայ ժողովրդի երկու հատվածների սոցիալական և ազգային-ազատագրական պայքարի լուսաբանման խնդիրների վրա նոր լույս է սփռում մարքսիստական տեսությունը: Վ. Ի. Լենինը ճշշված ժողովուրդների ազգային-ազատագրական պայքարը դնելով խիստ պատմական հողի վրա, այն բաժանում է երկու էտապի: Առաջինը՝ ֆեոդալիզմի և բուրժուազմի փլուզման շրջանն է, երբ ասպարեզ են ելնում բուրժուա-դեմոկրատական ուժերը, ազգային շարժումները մասսայական ընդլայն են ստանում և քաղաքականության ասպարեզ ներգրավում ժողովրդական բոլոր դասակարգերին՝ մամուլի միջոցով, ներկայացուցչական հաստատություններին մասնակցելու և այլ միջոցներով⁵: Մյուս էտապը լիովին կազմակերպված կապիտալիզմի դարաշրջանն է, պրոլետարիատի և բուրժուազիայի սուր հակամարտությունների դարաշրջանը, որը «կարելի է կապիտալիզմի փլուզման նախօրյակ անվանել»⁶:

Առաջին շրջանը, որը հատուկ է հայ ժողովրդի պատմության տվյալ ժամանակահատվածին, ընդորոշ է ազգային շարժումների մեջ գյուղացիության լայն խավերի ընդգրկմամբ տեր պայքարը մղվում է թե՛ ընդհանրապես քաղաքական ազատության և թե՛ մասնավորապես ազգության իրավունքների համար⁷, իսկ երկրորդում՝ առաջին պլանի վրա է մղվում միջազգայնորեն միաձուլված կապիտալի և ինտերնացիոնալ բանվորական շարժման հակամարտությունը⁸: Վ. Ի. Լենինը հատկապես ընդգծում է, որ այդ դարաշրջաններն իրար հետ կապված են անցումային բազմաթիւ թելերով ու օղակներով: Նա միաժամանակ անհրաժեշտ է գտնում հաշվի առնել ամեն մի երկրի ու ժողովրդի յուրահատուկ պայմանները, քանի որ առանձին երկրներ տարբերվում են «ազգային շարժման արագությամբ, բնակչության ազգային կազմով, նրա տեղավորմամբ և այլն, և այլն»⁹:

Կ. Մարքսը կարևոր նշանակություն տալով ճշշված ժողովուրդների ազատագրմանը, նրանց մղած ազգային-ազատագրական շարժումներին, այն դիտում է նաև որպէս սոցիալական պայքար և սոցիալական ազատագրմանը խթանող միջոց: Քանի դեռ կենսունակ ժողովուրդը կաշկանդված է օտար-երկրյա զավթիչների կողմից, — գրում է Կ. Մարքսը, — նա ըստ անհրաժեշտության բոլոր ուժերը, իր բոլոր ձգտումները, իր ամբողջ եռանդն ուղղում է արտաքին թշնամու դեմ, և այսպիսով, քանի դեռ նրա ներքին կյանքը մնում

5 Վ. Ի. Լենին, Ծրկեր, հ. 20, էջ 499:

6 Նույն տեղում:

7 Նույն տեղում:

8 Նույն տեղում:

9 Նույն տեղում, էջ 500:

է շլատված, նա ի վիճակի չէ պայքարելու սոցիալական ազատագրման համար»¹⁰։

Որպես օրինակ Կ. Մարքսը նշում է Ռուսաստանի վիճակը մոնղոլական լծի տակ։ Երբ այդ լուծը կործանվեց, երկրում սոցիալ-տնտեսական կյանքն ու սոցիալական շարժումները բուռն ընթացք ստացան։

Այսպիսով, ազգային ճնշման վերացումը լայն հեռանկարներ էր բացում սոցիալական զարգացման համար։ Ահա հենց դրա համար էին պայքարում հայ դեմոկրատական հոսանքի ներկայացուցիչները, որոնք կարևոր տեղ էին առաջ ազգային-ազատագրական պայքարին։

Բեռլինի կոնգրեսից հետո մտավորականության ղեղավ մասն այն համոզմանն եկավ, որ հայ ժողովուրդը կարող է ազատագրվել միայն ապստամբական շարժումների միջոցով։ Հայ գյուղացու, մշակների ու պանդուխտ սովակների, ինչպես նաև քայքայվող մանր արտադրողների շահերի արտահայտիչը դեմոկրատական հոսանքն էր, որի հիմնական պահանջը աշխատավորին հողով ու աշխատանքով ապահովելն էր, նրա սոցիալական և ազգային ազատությունը, Տնտեսական և քաղաքական կյանքի զարգացումը հնարավոր չէ առանց բռնակալության վերացման։ «Ստրկության մեջ չի կարող լուսավորության ծիլ կանաչել»¹¹։ Մ. Նալբանդյանի այս խոսքերը դեմոկրատական հոսանքի նշանաբանն էր, Դրանք համահունչ էին ուսու և եվրոպական հեղափոխականների զազափարսխոսությանը¹²։

Հետագա սերունդների համար Մ. Նալբանդյանն ազատագրական պայքարի օրինակ էր։ Երևանի նահանգական ժանդարմական վարչության պետի 1873 թ. ապրիլի 9-ի հաղորդումից պարզվում է, որ Երևանում երիտասարդությունը գաղտնի ճանապարհով Քիֆլիսից ստանում էր Մ. Նալբանդյանի նկարները՝ «Հայրենիքի փրկիչը» մակագրությամբ և տարածում բնակչության մեջ։ «Այդ նկարները Քիֆլիսում բաժանվում են երիտասարդներին ձրիաբար, — գրում էր ժանդարմական վարչության պետ մայոր Ջոլտուովսկին, — բաժանվում են և ուսումնական հիմնարկներում, դասընթացքն ավարտած հայերին»¹³։ 1880 թ. մարտի 10-ի մի փաստաթղթում նշվում է, որ Քիֆլիսի հոգևոր դպրոցի ուսանող, 18-ամյա Բ. Նավասարդյանը Նալբանդյանի նկարը 500 օրինակ իր ուսուցիչ Մարկոզովի նկարի անվան տակ բազմացրել և տարածել է քաղաքում, որի համար ձերբակալվել և բանտ է նետվել¹⁴։

Հեղափոխական դեմոկրատական գաղափարները լայն արձագանք էին գտնում ուսանող երիտասարդության շրջանում։ Ուշագրավ է այն փաստը, որ Պետերբուրգի, Մոսկվայի, Խարկովի, Նովոռոսիյսկի (Օդեսայի) հայ ուսանողները միավորված էին ինտերնացիոնալիստական սկզբունքներով և ակտիվորեն մասնակցում էին Ռուսաստանում հասունացող հեղափոխական շարժումներին։

Պետերբուրգի և Մոսկվայի ուսանողական շարժումներին մասնակցում էին մեծ թվով հայ ուսանողներ։ Ոստիկանական մի հաղորդագրության մեջ

10 К. Маркс и Ф. Энгельс, Соч., т. 18, стр. 555.

11 Մ. Նալբանդյան, ԵՃԺ, հ. 2, էջ 264։

12 Տե՛ս Աշոտ Հովհաննիսյան, Նալբանդյանը և նրա ժամանակը, գիրք 1, Երևան, 1955, էջ 425—506։

13 Մ. Նալբանդյան, ԵՃԺ, հ. 4, էջ 348։

14 Տե՛ս Եսայե տեղում, էջ 351։

նշվում է, որ ուսանական հեղափոխական խմբակներին մասնակցելու համար 1866 թ. 17 անդրկովկասցի ուսանողներ անվտանգելի են ճանաչվել, որոնց թվում ուսանելի՝ Կուզմինները և Ն. Կալինինը, վրացիներ՝ Վ. Չերքեզիշվիլին, Խ. Սավանիլին, Ս. Մեղերթիլին, հայեր՝ Ի. Իսաբուլը, Ի. Անանովը, Գ. Չերքեզյանը, հույներ՝ Կանդաուրովները, ադրբեջանցի՝ Փ. Մուստաֆանը¹⁵։ Ինտերնացիոնալ սկզբունքներով կազմված նիկոլայ Կիպիանու խմբակի անդամների թվումն էին Վ. Չերքեզիշվիլին, Դ. Աբգուշիշվիլին, Ս. Մեսխին, Կ. Ալիխանովը, Ն. Կանանովը, Իսահակյանը և ուրիշներ¹⁶։ Անդրկովկասցիները համաձույլ էին աշխատում ուս. լեհ և այլ ազգի հեղափոխական գործիչների հետ։ 1867 թ. Նովորոսիսկյի համալսարանի անվտանգելի ուսանողների շարքում ուրիշ ազգերի հետ նշվում են նաև է. Լազարեի, Մ. Տեր-Ակոպովի և ուրիշ հայ ուսանողների անուններ¹⁷։

Պետերբուրգում հայ ուսանող Կ. Մելիքովի բնակարանը հեղափոխական կոմիտեի համաբույժների գաղտնաբաններից մեկն էր։ Այդ կոմիտեի կազմում էին նաև վրացի Ա. Բակրաձեն, ադրբեջանցի Իբրահիմ Շանաևը և ուրիշներ։ Երբ 1869 թ. հայտնաբերվեց նեշանյան հայտնի կազմակերպությունը, պարզվեց, որ նրա կազմում եղել են մեծ թվով կովկասցիներ։ Կովկասցի բարեկամների օգնությամբ նեշանն անցավ արտասահման՝ «Հեղափոխական կոմունա» կազմակերպության ղեկավարների՝ Վ. Չերքեզիշվիլու, Զ. Իշխանովի, Ի. Ռահիմովի, Ա. Հաջիրեկովի Յ. Սարիբեկովի, Ի. Շանաևի, Ս. Մուֆապյանի գործը լսեց սենատի հատուկ դատարանը և նրանց խիստ պատժի ենթարկեց։ Զ. Իշխանովը նեշանյան կազմակերպություններից մեկի աչքի ընկնող ղեկավարներից էր, որն իր շուրջն էր համախմբել շատ կովկասցիներ¹⁸։ Միայն ոստիկանության հայտնաբերած խմբակներում 70-ական թվականներին հայ, վրացի և ադրբեջանցի ուսանողների թիվը հասնում էր 120-ի։ Նրանք սերտորեն կապված էին հայրենի երկրի հետ և Անդրկովկասում հեղափոխական խմբակների կազմակերպման ու ղեմկրատական գաղափարների տարածման գործում ակտիվ դեր էին կատարում։

Հայտնի է Թիֆլիսում Անտոն Փուրցելաձեի կազմակերպած վրացի, հայ, ռուս տարատիպ ուսանող երիտասարդներից կազմված ինտերնացիոնալ հեղափոխական նարոդնիկական խմբակը, որը գործում էր մտավորականության և գյուղացիության շրջանում։ Նրա մեջ էին Սարկիսովը, Այվազովը, Մամուլովը, Լ. Զանդիերին, Վ. Սաչաբելին, Կ. Իվանովը և ուրիշներ¹⁹։ Նրանք հաճախակի նիստեր էին դրսևորում, ուսումնասիրում Պետերբուրգից և արտասահմանից ձեռք բերվող գեմոկրատական նոր գրականությունը և այն տարածում աշխատավորների շրջանում։

Կապիտալիստական հարաբերությունների զարգացումը Ռուսաստանում սրում էր դասակարգային պայքարը, նոր խնդիրներ առաջադրում հասարակական-քաղաքական շարժման առջև։

¹⁵ Տե՛ս Յ. Լ. Шведидзе, Очерки революционной борьбы Закавказья в 60—70-х годах XIX в., Тбилиси, 1971, стр. 157 (на груз. яз.).

¹⁶ Տե՛ս ЦГИАМ, ф. 95, оп. 1, д. 341, л. 441.

¹⁷ Տե՛ս Յ. Լ. Шведидзе, ելվ. աշխ., էջ 182։

¹⁸ Տե՛ս նույն տեղում, էջ 196։

¹⁹ Տե՛ս «Закавказская речь», 1911, № 256.

Ուժեղանում են սոցիալական ու ազգային ճնշումներն ու հալածանքները։ Խստանում է զբաքենությունը, արգելվում են մամուլի առաջադեմ օրգանները, փակվում են հայկական դպրոցները։ Հետապնդվում և բանտ են նետվում սոցիալական ու ազգային-ազատագրական պայքարի կոշող գործիչները, զեմոկրատական շարժման առաջամարտիկները։ Նման վիճակը հեղափոխական պայքարի էր մղում աշխատավոր մասսաներին։ Բանվորներն ու գյուղացիները հաճախ էին ըմբոստանում իրենց ճնշողների դեմ։ Գյուղացիական ելույթները շատ դեպքերում վեր էին ածվում զինված ընդհարումների։

Արևմտյան Հայաստանի քաղաքներում ստեղծվում են արդյունաբերական ձեռնարկություններ։ Սոցիալական ու ազգային ճնշումների ուժեղացման հետևանքով առաջանում է բանվորների և գյուղական մշակների մի հոծ բանակ, որն ապրուստի միջոցներ հայթայթելու նպատակով մեկնում է հեռավոր քաղաքներ, շփման մեջ մտնում իր բախտակից տարբեր ազգերի հաղարավոր աշխատավորների հետ։ Բանվոր դասակարգի ձևավորման այդ պրոցեսը, նոր երանգ էր մտցնում ոչ միայն սոցիալական պայքարի, այլ նաև ազգային-ազատագրական շարժումների ընթացքի մեջ՝ այդ շարժումներին հաղորդելով անուսական հիմք և ինտերնացիոնալիստական ոգի։

Դրան զուգընթաց, բուրժուազիայի հզորացման շնորհիվ, ուժեղանում է նաև տարբեր երկրների կապիտալի մրցակցությունը, ազատ շուկաներ ձեռք բերելու ձգտումը։ Գնալով ավելի մարտական դիրք է զբաղում բուրժուա-նացիոնալիստական գաղափարախոսությունը։ Պայքարը սրվում է ոչ միայն տարբեր երկրների, այլև նույն երկրի տիրապետող և ճնշված ազգերի բուրժուազիայի միջև։ Նման պայմաններում բուրժուազիան ամեն կերպ ջանում էր իր ազգայնական գաղափարների իրականացման գործիք դարձնել աշխատավոր զանգվածներին։

Հզորանում ու միավորվում էին նաև հեղափոխական ուժերը։ Անհրաժեշտություն էր դառնում ճնշված ժողովուրդների միասնական ճակատի ստեղծումը։ Այդ ուղղությամբ զգալի աշխատանք էին տանում Արևմտյան Եվրոպայում գտնվող ցարական Ռուսաստանի և սուլթանական Թուրքիայի քաղաքական վտարանդիները, հայրենիքից հեռացած զեմոկրատ գործիչները։ Հեղափոխական գործիչները հաշվի էին առնում Բալկաններում, Արևմտյան Հայաստանում և Անդրկովկասում հասունացող սոցիալական և ազգային-ազատագրական շարժումները։ Արևմտահայությունը բալկանյան ժողովուրդների օրինակով ձգտում էր հասնել ազատության։ Այդ գաղափարի իրականացման համար ժամանակի հայ հասարակական-քաղաքական հոսանքները սուր պայքարի մեջ մտան։ Այդ պայքարում կարևոր դեր կատարեցին հայ նարոդնիկները։

2. ՆԱՐՈԴՆԻԿՈՒԹՅՈՒՆԸ ԵՎ ՉԱՅ ԻՐԱԿԱՆՈՒԹՅՈՒՆԸ

1870—1880-ական թվականների արևելահայ զեմոկրատական հոսանքի առաջատարները նարոդնիկներն էին, առաջավոր մտավորականությունը, հատկապես սովորող երիտասարդությունը։

Նարոդնիկությունը Ռուսաստանում ձևավորվել է տարաստիճան (ռազնոչին) մտավորականության շրջանում և հասարակական-քաղաքական ուժ